



**ՆԱԽԱԴՊՐՈՑԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ
ՄԱՆԿԱՎԱՐԺԱԿԱՆ ԱՇԽԱՏՈՂՆԵՐԻ ՎԵՐԱՊԱՏՐԱՍՏՈՒՄ
ՀԵՏԱԶՈՏԱԿԱՆ ԱՇԽԱՏԱՆՔ**

Թեմա՝ Բնության նկատմամբ դրական վերաբերմունքի ձևավորումը

նախադպրոցական տարիքում

Վերապատրաստվող՝ էլյա Սամվելի Մախլյան

Արմավիրի մարզ, Էջմիածնի թիվ 15 «Զվարթնոց» մանկապարտեզ

ՀՈԱԿ

Վերապատրաստող՝ Լիանա Վերդյան

ԵՐԵՎԱՆ 2023

ԲՈՎԱՆԴԱԿՈՒԹՅՈՒՆ

Ներածություն	3
Գլուխ 1. Էկոլոգիական դաստիարակությունը ՆՈՒՀ-ում	4
1.1 ՆՈՒՀ-երում բնության նկատմամբ դրական վերաբերմունքի ձևավորումն ըստ պետական չափորոշի և պետական կրթական ծրագրերի	4
1.2 Էկոլոգիական կրթության և դաստիարակության ձևերը ՆՈՒՀ-ում.....	8
Գլուխ 2. Փորձարարական հետազոտություն.....	10
Եզրակացություն	17
Օգտագործված գրականության ցանկ	18
Հավելվածներ	19

Թեմայի արդիականությունը: Բնության նկատմամբ դրական վերաբերմունքն այսօր համամարդկային և համաշխարհային հիմնահարցերից մեկն է, քանի որ վտանգված է մեր «տունը»՝ Երկիր մոլորակի գոյությունը:

Հնդկացի առաջնորդի խոսքերն առավել քան պատկերավոր են ներկայացնում վերահաս վտանգը. «Երբ կկտրվի վերջին ծառը, երբ կթունավորվի վերջին գետը, երբ կսպանվի վերջին թռչունը, այդժամ Դուք կհասկանաք, որ փողը հնարավոր չէ ուտել»:

Այս խոսքերը հուժկու ազդակ են էկոլոգիական և բնապահպանական աղետի շեմին կանգնած բոլոր արարածների համար՝ ի դեմս Մարդու, որի բանականությունն ու գործողությունները այսօր պետք է նպատակաուղղված լինեն մեր ընդհանուր «տունը» փրկելու գործին:

Թեմայի նպատակը: Էկոլոգիական պատկերացումների, կրթության և դաստիարակության հիմքերը դրվում են ՆՈՒՀ--ՈԼՄ, այդ իսկ պատճառով այն նպատակ ունի սաների մոտ ձևավորել էկոլոգիական գիտակցություն: Դեռևս վաղ տարիքից երեխային միավորելով բնությանը՝ բնության հանդեպ ձևավորվում է պատասխանատու վերաբերմունք՝ որպես բնության կարևորագույն և անբաժանելի մաս, մենք նրանց մասնակից ենք դարձնում բնապահպանական գործընթացին՝ իրենց տարիքին և կարողություններին համապատասխան:

Գլուխ 1. Էկոլոգիական դաստիարակությունը ՆՈՒՀ-ում

1.1 ՆՈՒՀ--ՈԼՄ բնության նկատմամբ դրական վերաբերմունքի ձևավորումն ըստ պետական չափորոշի և պետական կրթական ծրագրերի

Նախադպրոցական տարիքի երեխաների դաստիարակության իրատեսական նպատակն է ձևավորել հետաքրքրասեր և կյանքի հմտություններով օժտված սան, ով պատրաստ է շփման մեջ մտնել շրջապատող աշխարհի հետ, ով պատրաստ է համագործակցության և հնարավոր դժվարությունների հաղթահարման:

Բնության նկատմամբ դրական վերաբերմունք ձևավորելու անհրաժեշտությունն այսօր կապված է մարդ- բնություն-հասարակություն խախտված շրջանի հետ, որն էլ իր հերթին պայմանավորված է այսօր աշխարհի տարբեր ոլորտներում տեղի ունեցող սրբնորոգ փոփոխություններով և զարգացման արագընթաց տեմպով:

Այսօր ՆՈւԷ-ի առջև ծառայած խնդիրներից է սաների մեջ ձևավորել և զարգացնել հանաչողական և մոտիվացիոն կարողունակությունը, որը կօգնի դրսևորել անվտանգ և բարեկիրք վարք, կապրեցնի գնահատել սեփական անձը և պատճառահետևանքային կապեր տեսնել կյանքի տարբեր իրավիճակներում և բնության մեջ, երեխային զգացնել տալ բնության անբաժանելի մասնիկը լինելու իրողությունը:

Եթե այսօր մենք լուծենք «Ինձ շրջապատող աշխարհը» ծրագրային բաղադրիչին ներկայացվող խնդիրները, ապա կունենանք շրջապատում և զանազան իրավիճակներում արագ ու ճիշտ կողմնորոշվող անձ՝ զինված իր տարիքին համապատասխան գիտելիքներով և կարողություններով, կունենանք արտաքին աշխարհում տեղի ունեցող իրադարձություններին համարժեք արձագանքող անհատ:

Այդ արձագանքը կարող է դրսևորվել տարիքային առանձնահատկություններին համապատասխան, քանի որ Նախադպրոցականը հաճույքով է ուսումնասիրում շրջապատի բուսական և կենդանական աշխարհը, փորձում է հասկանալ մարդկանց և նրանց կենսակերպի արտաքին առանձնահատկություններին մեջ եղող տարբերությունները, հուզականորեն է ընկալում բնության գեղեցկությունն ու անկրկնելիությունը, բնության երևույթները և այլն:

Երեխան իր հանաչողական հետաքրքրություններն ու ունակությունները զարգացնում է շրջակա միջավայրին ծանոթանալու միջոցով, ընդլայնում է մտահորիզոնը և ձեռք բերած գիտելիքներն ամրապնդում՝ ըստ նպատակի դրանք օգտագործելու և կիրառելու համար: Այս գործընթացում առաջին պլան է մղվում կրթադաստիարակչական զարգացնող և մոտիվացնող պլանավորված աշխատանքը, որը շարունակական է և անընդհատ:

Ելակետային է այս ողջ գործընթացի ժամանակ հաշվի առնել երեխաների տարիքային և հոգեֆիզիոլոգիական առանձնահատկությունների կարևորությունը: Որքան էլ նախադպրոցական տարիքի երեխաների մոտ արտահայտվի շրջակա միջավայրի և աշխարհի վերաբերյալ հետաքրքրությունն ու հարցասիրությունը, այնքան նրանք խոցելի են իրենց տարիքային և անհատական առանձնահատկություններն անտեսելու դեպքում, քանի որ հանաչողական պահանջմունքների և գիտելիքների ծանրաբեռնվածության անհամապատասխանությունը կարող է հանգեցնել հոգեբանական և ֆիզիոլոգիական լուրջ խնդիրների առաջացմանը: Կարող է խթանել երեխայի ուսումնադաստիարակչական գործընթացը՝ կորցնելով իր նշանակությունը փոքրիկի համար:

Այդ նպատակով այսօր ողջ աշխարհում մշակվում են նախադպրոցական տարիքի համար նոր չափորոշիչներ և ծրագրեր, որոնց գերագույն խնդիրն է ճիշտ և համակարգված ֆայլերով կազմակերպել մանկապարտեզում կրթադաստիարակչական պատասխանատու գործընթացը, որի արդյունքում վաղը կունենան կյանքին պատրաստ և ժամանակի պահանջներին համապատասխան սերունդ:

Ժամանակավրեպ ծրագրերին և մեթոդներին փոխարինելու են գալիս օրվա պահանջները բավարարող նորամուծություններն ու նորարարությունները կյանքի բոլոր ոլորտներում:

Որպես երեխայի անձի ձևավորման և զարգացման կարևորագույն և վճարուժե ժամանակահատված՝ նախադպրոցական կրթությունը չէր կարող շրջանցել կրթական բարեփոխումներն ու անտեսել դրանք:

ՀՀ-ում ևս կրթական բարեփոխումների եռուն շրջան է այսօր: Փորձարկվում են կրթական համակարգ մտած նոր ծրագրերն ինչպես դպրոցում, այնպես էլ **ՆՈՒՀ-ԵՐՈՒՄ**: Այս ամենն ինքնանպատակ չէ, քանի որ որոշ **ՆՈՒՀ-ԵՐՈՒՄ** իրականացվող կրթադաստիարակչական գործընթացը կազմակերպվում է դեռևս հին չափորոշիչին և կրթական ծրագրերին համապատասխան:

Սակայն արդեն գործարկվում է նոր կրթական չափորոշիչը՝ հաստատված **13.05.2021**:

Փորձարկվող մանկապարտեզների միջոցով կյանքի են կոչվում նոր կրթական ծրագրերը՝ լրամշակված նոր չափորոշիչի հենքի վրա: Ըստ դրա՝ այսօր **ՆՈՒՀ-ԵՐՈՒՄ** ուսումնադաստիարակչական աշխատանքը կազմակերպվում է ըստ ծրագրային բաղադրիչների՝ նախկին մեթոդիկաների փոխարեն (և, իհարկե, ըստ տարիքային խմբերի):

1.Նոսֆի զարգացում (ՆԶ)

2.Ինձ շրջապատող աշխարհը (ԻՇԱ)

3.Մաթեմատիկական տարրական պատկերացումներ (ՄՏՊ)

4.Ֆիզիկական դաստիարակություն (Ֆ)

5.Երաժշտություն(Ե)

6.Կերպարվեստ և կառուցողական աշխատանք (ԿԿԱ)

Սակայն նոր բաղադրիչների գատումը պայմանական բնույթ է կրում, որովհետև դրանք փոխկապակցված են և նպաստում են սանի համակոորդանի և լիարժեք զարգացմանը:

Ծրագրային բոլոր բաղադրիչներով սահմանված վերջնարդյունքներն ուղղված են առանցքային կարողունակությունների ձևավորմանն ու զարգացմանը:

«Ինձ շրջապատող աշխարհը» ծրագրային բաղադրիչի հիմնում ընկած է հանաչողական և մոտիվացիոն կարողունակությունը, ըստ որի վերոնշյալ բաղադրիչին առաջադրվող նպատակներից մեկը հետևյալն է՝ ձևավորել պատկերացումներ սեփական անձի, շրջակա միջավայրի կենդանի և անկենդան աշխարհի, բնության երևույթների մասին:

Ծրագրային այս բաղադրիչի նպատակներից էլ բխում են մի շարք բնապահպանական խնդիրներ, այդ թվում՝

ա) մշակել շրջապատի նկատմամբ հոգատար և գիտակցական վերաբերմունք, ձևավորել բնության մեջ ճիշտ վարքագծի դրսևորման սովորույթներ և հմտություններ: Ծանոթացնել վարքի կանոններին՝

բ) ձևավորել բնության տարրերի պատճառահետևանքային տարրական կապերը հասկանալու կարողություն

գ) շարունակել ձևավորել բնության մեջ ճիշտ վարքագիծ դրսևորելու հմտություն:

1.2 Էկոլոգիական կրթության և դաստիարակության դերը ՆՈՒՀ-ում

«Կրթությունը գիտելիքների բանակը չի, այլ լիակատար ըմբռնումն ու հմուտ կիրառումն այն ամենի, ինչ գիտես»:

Դիստերվեզ

Քանի որ մարդն իր գոյությամբ հանդիսանում է էկոհամակարգի առանցքային միավոր, դրա համար հարկավոր է դեռ նախադպրոցական տարիքում երեխաներին զինել էկոլոգիական նախնական պատկերացումներով, կյանքում և բնության մեջ եղող պատճառահետևանքային անխզելի կապերի հետ ծանոթացնելով՝ նախապատրաստել դպրոցին, որտեղ նրանք կկիրառեն իրենց ճանաչողական պատկերացումները և մանկապարտեզում ձևավորված կարողություններն ու հմտությունները:

Այսօրվա նախադպրոցական ծրագրերի բարեփոխումներից մեկն էլ այն է, որ նախկին նախադպրոցական ծրագրերում ամրագրված «Էկոլոգիական դաստիարակություն» մեթոդիկան միավորվել է ԻՇԱ բաղադրիչին ներկայացվող նոր ծրագրերի մեջ՝ որպես նախադպրոցահասակ երեխաների աշխարհաճանաչողության և կրթադաստիարակչական կարևորագույն պահանջ և նպատակ:

Նախադպրոցական տարիքի երեխաների մոտ ձևավորվող ճանաչողական և մտքիվազիոն կարողունակության հիմքում (ըստ նոր չափորոշիչի) ընկած են այնպիսի նպատակներ, որոնք կնպաստեն երեխայի տարիքին համապատասխան ոչ միայն ճանաչողական նախնական պատկերացումների ձևավորմանը, այլ դրանք կյանքում կիրառելի դարձնելուն:

Մինչև 20-րդ դարի 90-ական թվականները էկոլոգիական կրթության համակարգում գերակայող էր մարդակենտրոն մոտեցումը, որի համաձայն մարդը բնության տերն ու տիրակալն է, հետևաբար կարող է վերավտխել և ծառայեցնել բնության բարիքները սեփական կարիքները բավարարելու գործընթացին՝ լայնորեն և անխնա սպառելով բնության պարգևներն անհատական կարիքների համար:

Սակայն, բարեբախտաբար, վերոնշյալ կարծանարար մոտեցումն այլևս անցյալում է, և սպառողական հոգեբանությանն այսօր փոխարինում է էկոկենտրոն մտածելակերպը, որի նպատակն է փրկել Երկիր մոլորակը էկոլոգիական աղետից:

Մի շարք մանկավարժներ առաջ են մղել այն տեսությունը, ըստ որի երեխան նախադպրոցական տարիքում արդեն ընկալում և հասկանում է բնության մեջ գոյություն ունեցող բազմաբնույթ շղթայական կապերը՝ ընդունակ պատկերացնելու բնության ամբողջությունը:

ՆՈՒՀ-ի կարևորագույն գործառույթներից է այսօր ձևավորել սաների մոտ էկոլոգիական մշակույթի տարրեր և էկոլոգիական գիտակցություն՝ շրջակա միջավայրի հանդեպ հուզական, պատասխանատու վերաբերմունքով և բնապահպան գործունեությամբ դրսևորվող:

Ղազարոս Աղայանը, որպես «ուսուցիչների ուսուցչապետ», կարևորում է բնության հետ ներդաշնակ հարաբերությունների հաստատման կարևորությունը և անհրաժեշտությունը, խորհուրդ է տալիս մանկավարժական աշխատանքում առաջնորդվել բնությանը բնորոշ կանոնակարգվածությամբ և ներդաշնակությամբ: Իսկ այդ առաջնությունը նախադպրոցական տարիքում իրականացվում է նախնական պատկերացումների ձևավորման միջոցով՝ երեխաներին նախապատրաստելով կյանքի հաջորդ փուլերին:

Գլուխ 2. Փորձարարական հետազոտություն

Փորձերի և փորձարարության դերն այսօրվա դիդակտիկայում անգնահատելի է՝ որպես ուսումնադաստիարակչական գործընթացի մեթոդ: Փորձարարության ցանկությունը բնորոշ է նախադպրոցական տարիքի երեխաներին, որոնք միշտ պատրաստ են ուսումնասիրելու երևույթների ներքին հատկություններ և կապերը փորձարկումների միջոցով:

Սա երեխաների որոնողական գործունեության յուրահատուկ ձև է, ներքին ակտիվության վառ դրսևորում: Երեխաների որոնողական փորձարարական գործունեությունը պրոբլեմային ուսուցման հիմնական եղանակն է:

Թեմա՝ «Փրկենք մեր մուրակը»

Տեսակը՝ ինտեգրված պարապմունք (խոսքի զարգացում + էկոլոգիա + երաժշտություն)

Նպատակը՝

Կրթական: Ամրապնդել երեխաների պատկերացումները բնության մեջ տեղի ունեցող պատճառահետևանքային կապերի բնության երևույթների վերաբերյալ, ներկայացնել մարդու կատարած աշխատանքը բնության մեջ:

Զարգացնող: Զարգացնել վերլուծական մտածողությունը, սեփական անձը կարևորելու և բնապահպանական վարքագիծ դրսևորելու կարողությունը:

Դաստիարակչական: Դաստիարակել սեր և հոգատար վերաբերմունք բնության և նրա յուրաքանչյուր մասնիկի հանդեպ՝ հաղորդակից դարձնելով բնության գեղեցկությանն ու կարևորությանը: Դաստիարակել հետաքրքրություն ազգային սովորույթների և ժողովրդական երգերի հանդեպ:

Բառապաշարի հարստացում: Հարստացնել բառապաշարը զարնանամուտ, սերմնացան, կանաչ գոտի, երկրի թոփեր բռներով և բառակապակցություններով :

Անհրաժեշտ պարագաներ: Արկղիկ, Երկիր մուրակի անգույն և գունավոր պատկերներ, հասկեր, տարազային վերնահագուստ :

Պարապմունքի անցկացվել է ավագ խմբում, պարապմունքի մասնակցել է 30 երեխա:

Տևողությունը՝ 30 րոպե:

Ընթացքը

Ներս է մտնում դաստիարակը՝ կանաչ թիկնոցով կախարդական արկղիկը ձեռքին:

Դաստիարակ – Ողջույն, երեխանե՛ր, ես անտառի Կանաչ փերին եմ և ձեզ եմ բերել հրաճենքով լի այս փոփրիկ արկղը: Սակայն այն կբացվի միայն այն ժամանակ, երբ գուշակե՛ք հանելուկը:

Նա մեր տունն է,

Մի մեծ գունդ է,

Պատվում է արևի շուրջ

Գիւտեր-ցերեկ

Ու չի հոգնում:

Երեխաներ – Երկիր մուրակն է:

Դաստիարակ – Ճիշտ է, իսկ հիմա բացենք մեր կախարդական արկղիկը:

Երեխաներից մեկը բացում է արկղիկը և այնտեղից հանում Երկիր մուրակի անգույն պատկերը (Տե՛ս Նկար 1):

Դաստիարակ – Երեխաներ, ի՞նչ գույն ունի մեր մուրակը:

Երեխաներ – Սև ու սպիտակ է նկարը:

– Ուրիշ գույներ չկան:

Դաստիարակ – Իսկ ի՞նչ տրամադրություն ունի մեր Երկիր մուրակը:

Երեխաներ – Նա տխուր է ու լաց է լինում:

Դաստիարակ – Ճիշտ է, երեխաներ, մեր Երկիր մուրակը տխուր է ու լաց է լինում և մեզ խնդրում է օգնել իրեն: Եվ ես անտառից եկել եմ, որ միասին օգնենք ու բուժենք մեր հիվանդ մուրակիին, առողջացնենք նրան ու մեզ: Մենք կօգնենք, որ մեր մուրակը էլի գտնի իր գույները, էլի ժպտա ու մեզ տա իր բարիքները: Բայց այդ ամենը շատ դժվար է, իսկ դուք պատրաստ ե՞ք օգնել ինձ, որ գտնենք Երկիր մուրակի կորած գույները:

Երեխաներ – Այո՛, պատրաստ ենք, բայց ինչպե՞ս օգնենք մեր հիվանդ մուրակին:

Դաստիարակ – Հիմա ես ձեզ կպատմեմ չար Սնժպիտի մասին, և դուք ամեն ինչ կիմանաք: Երեխաներ, երբ որ մենք ժպտում ենք և բարություն ենք տարածում, սիրում ենք իրար և իրար օգնում, խնամում ենք բնությունը և պաշտպանում, մեր մուրակը շատ գունավոր և գեղեցիկ է դառնում, մեր անտառներն ավելի կանաչ և ծաղիկներն ավելի հոտավետ են դառնում, օդը մաքուր է լինում, իսկ երկնից ժպտում է պայծառ արևը: Բայց

չար Անժպիտը դա չի սիրում, և գողացել է մեր Երկիր մուսրակից ծիծաղն ու բարությունը, բոլոր գույները չճացան աշխարհից, իսկ մարդիկ չարացան և սկսեցին կտրել ծառերը, տրտրել ծաղիկները, սպանել թռչուններին և կենդանիներին: Անտառները կամաց-կամաց վերանում են, երեխաներ, իսկ մեր մուսրակը հիվանդացել է մարդկանց չարությունից և խնդրում է օգնել իրեն:

Իսկ ի՞նչ կլինի, եթե անտառ չլինի Երկիր մուսրակի վրա, երեխաներ:

Երեխաներ – Այդ ժամանակ մաքուր օդ չի լինի:

– Էլ չենք կարող շնչել:

– Բոլորս կհիվանդանանք:

– Միրգ չի լինի, որ ուտենք:

Դաստիարակ – Ճիշտ է, որովհետև անտառները մեր մուսրակի թոփերն են, երեխաներ, որոնք մեզ թթվածին են տալիս, որ մենք մաքուր օդ շնչենք և չհիվանդանանք: Անտառները նաև այլ կերպ ենք անվանում՝ կանաչ գոտի: Փանի որ անտառներն արթնացել են արդեն, մարդիկ էլ դուրս են եկել հող մշակելու, սկսվել է գարնանացանը: Եթե հիմա մենք դառնանք սերմնացաններ, ապա կարող ենք անեցնել բարության հասկեր և նվիրել աշխարհին, և այդ ժամանակ մեր մուսրակը կառողջանա և կորած գույները կվերադառնան: Իսկ հիմա մեզ ի՞նչ է հարկավոր գարնանացանը սկսելու համար:

Երեխաներ – Սերմ է հարկավոր:

– Բայց մենք ոչ մի հատիկ սերմ չունենք:

Դաստիարակը արկղիկի միջից հանում է փոփրիկ ֆուսկով սերմերը և բաժանում սերմնացան տղաներին:

Երեխա – Բայց այս մեկ հատիկ սերմը ինչպե՞ս կօգնի մեզ և մեր մուսրակին:

Դաստիարակ – Սրանք սովորական հատիկներ չեն, սրանք բարության սերմեր են: Եկեք հիշենք, թե ինչ գեղեցիկ սովորություն ունեն մեր սերմնացանները:

Երեխաներ – Բարությանը պետք է անկենք, որ հատիկները ծիլ տան և աճեն:

Դաստիարակ – Ճիշտ է, եկեք դառնանք բարության սերմնացաններ հատիկները բարի սրտով հողը դնենք:

Տարագ հագած սղաները շրջան են կազմում և խմբով արտասանում՝ ցույց տալով գործողությունները (Տե՛ս Նկար 2).

- Էս մի բուռը՝ երկնքի թռչուններին,

Որ մեր արտը մորեխներից պաշտպանեն,

Էս մի բուռը՝ տնից հեռու եղողներին,

Որ սոված չմնան,

Էս էլ ցանեմ, որ բարության հասկ անեցնեմ:

Սերմնացանները կատարում են «Կոտ ու կես» ժողովրդական երգ-պարը:

Դաստիարակ - Բարությանը ցանեցին մեր սերմերը, իսկ հիմա մեր արտին ի՞նչ է հարկավոր:

Աղջիկներ - Անձրև, անձրև, ցած արի,

Բըսցուր ցարեն ու գարի:

Աղջիկները կատարում են Կոմիտասի «Անձրև եկավ» երգի առաջին մասը՝ միաժամանակ կատարելով պարային շարժումներ:

Դաստիարակ - Անձրևից հետո ի՞նչ է պետք մեր ծիլերին, երեխաներ:

Երեխաներ - Արև, արև, արի դուրս,

Քեզ բերել ենք աչքի լույս:

Դաստիարակը ներս է բերում հասկերով պատրաստված փոփրիկ արտը, Երկիր մուրակի գունավոր պատկերը (Տե՛ս Նկար 3):

Երեխաներն ուրախ ծափահարում են:

- Շնորհակալ եմ, երեխաներ, որ օգնեցիք մեր մուրակին վերադարձնել կորած գույները: Հիմա ի՞նչ սրամաղբություն ունի մեր մուրակը, ինչպիսի՞ն է նա հիմա:

Երեխաներ – Մուլտրակն ուրախ է:

- Նա ժպտում է:

- Մուլտրակն էլի գունավոր է:

Դաստիարակ – Ի՞նչ սովորեցիք այսօր, երեխաներ :

Երեխաներ – Մենք պետք է խնամենք բնությունը:

-Երբ մենք տրորում ենք ծաղիկները, մուլտրակը տխրում է:

-Մենք կխնամենք ու չենք կոտրի ծառի հյուղերը:

-Եթե մենք փչացնենք բնությունը, մաքուր օդ չենք կարող շնչել:

Դաստիարակ – Բնության n° ր երևույթն օգնեց, որ հատիկները ծիլ տան:

Երեխաներ – Անձրևն օգնեց:

Դաստիարակ – Իսկ հիմա եկեք բարության սերմերը տարածենք աշխարհով մեկ և միասին փրկենք մեր Երկիր մուլտրակի կյանքը: Բնության n° ր երևույթը կօգնի մեզ:

Երեխաներ – Քամին կօգնի մեզ:

Դաստիարակ – Ճիշտ է, բայց եկեք մենք էլ օգնենք ֆամուն, որ նա սլանա հեռու-հեռու և բարության սերմերը տանի իր հետ:

Երեխաները փչում են երևակայական հատիկները:

Դաստիարակ – Շնորհակալություն, երեխաներ, բայց ես անտառից ինձ հետ մի նամակ եմ բերել, որ կարդամ ձեզ համար:

Դաստիարակը արկղիկից հանում է մի նամակ և ընթերցում. «Բարև, սիրելի՛ փոքրիկներ: Ես անտառի մի փոքրիկ ծառ եմ և ձեզ պես սիրում եմ, երբ ինձ խնամում են, սիրում: Գիտե՞ք, երբ ծառի հյուղը կոտրվում է, նա էլ է ձեզ պես ցավ զգում և արտասվում: Իսկ անտառի բոլոր ծառերը ձեզ թրվածին և սնունդ են տալիս:

Մի կտորեւ մեր հյուղերը, խնդրում ենք ձեզ: Սիրելի՛ փոքրիկներ, դուք ձեր բարությունը միշտ վառ եւ պահում մեր Երկիր մուսրակի գույները: Մենք շատ ենք սիրում մարդկանց և խնդրում ենք, որ դուք էլ սիրեք բնությունն ու խնամեք:

Անտառի մի փոքրիկ ծառ»:

Դաստիարակ –Քանի որ մենք այսօր բարության հասկեր անեցրինք և տարածեցինք աշխարհով մեկ, եկեք բարության հաց թխենք և նվիրենք իրար:

Երեխաները կատարում են համապատասխան շարժումներ

–Եկեք մաղենք ալյուրը,

Եկեք հունցենք խմորը,

Գրտնակ վերցնենք, գրտնակենք,

Բարության հաց մենք թխենք

Ե՛հ այդ հացը կտրտենք

Ու բոլորին նվիրենք,

Անուշ լինի :

Դաստիարակ –Շնորհակալություն, սիրելի փոքրիկներ, որ օգնեցիք մեր մուսրակին ձեր բարությամբ: Իսկ հիմա ես պետք է գնամ անտառ, որպեսզի պաշտպանեմ բնությունը չար մարդկանցից: Մնաք բարով:

Երեխաներ – Ցտեսություն, Կանաչ փերի:

Եզրակացություն

Եթե վաղ տարիքից երեխաների մոտ ձևավորվեն էկոլոգիական պատկերացումներ և հիմք դրվի էկոլոգիական դաստիարակության համար, ապա ավագ նախադպրոցական տարիքում կունենանք բնության հանդեպ ստացավ և հոգատար սաներ, որոնք իրենց բարեվարքության և բնության անբաժան մասնիկը լինելու գիտակցության արդյունքում կլինեն պատասխանատու իրենց արարքների համար՝ դառնալով փոքրիկ բնապահպաններ:

Նախադպրոցական տարիքի երեխաների ուսուցման գործընթացի արդյունավետությունը նպաստում են թեմատիկ և ինտեգրված պարապմունքները՝ խթանելով երեխաների հանաչողական և հուզական համակողմանի զարգացումը:

Ներկայացված պարապմունքի ընթացքում շատ բարձր էր բոլոր երեխաների հուզականությունը, իրենց դերի գիտակցումը և դրա պատճառահետևանքային կապը մոլորակի փրկության գործում: Տարբեր հնարքների և մեթոդների կիրառումը, միջառարկայական կապեր ստեղծելը պարապմունքների ընթացքում նպաստում են գործընթացի համակողմանի զարգացմանը՝ ապահովելով երեխաների իմացական և հուզական դաստիարակությունը:

Նամակի ընթերցումից հետո երեխաներից մեկն արտասովորով ասաց. «Ես էլ ոչ մի ծաղիկ չեմ պսկի, որ նրանք լաց չլինեն»:

Ես եկա այն եզրահանգման, որ երեխաների վաղվա օրը կառուցվում է մանկապարտեզում ամեն վայրկյան, ամեն ժամ, ամեն օր՝ դաստիարակների հմուտ բեղուն աշխատանքի շնորհիվ:

Օգտագործված գրականության ցանկ

1. «Աֆորիզմներ», Երևան, «Հայաստան » 1989
- 2.«Մանկապարտեզի միջին խմբի (4-5տարեկանների) կրթական համալիր ծրագիր», ԿՐԹՈՒԹՅԱՆ ԱԶԳԱՅԻՆ ԻՆՍՏԻՏՈՒՏ 2011
- 3.«Նախադպրոցական կրթության պետական կրթական չափորոշիչ», 2021

4.«Նախագարացական կրթական հիմնական ծրագիր» Միջին խումբ (4-5 տարեկաններ), Երևան 2021

5.«Նախագարացական մանկավարժություն » Ա.Ա.Մարության, Ա.Մ. Դալլաբյան,

Երևան 2005

6.«Նախաժողով» 3.2012

7. hakhunts.wordpress.com

Հավելվածներ



Նկար 1



Նկար 2



Նկար 3